



分類補註李太白詩卷之十二

贈二十五首

贈別舍人第臺卿之江南

去國客行遠還山秋夢長梧桐落金井一葉
飛銀床覺罷攬明鏡鬢毛颯已霜良圖委蔓
草古貌成枯桑欲道心下事時人疑夜光因

為洞庭葉飄落之瀟湘

齊賢曰荆州記益陽有金井數百古老傳

金人以杖撞地輒成井晉樂志云後園鑿井銀作床金瓶素練汲寒漿淮南子一葉落而

天下知秋令弟經濟士謫居我何傷潜虬隱尺水
著論談興亡客遇王子喬口傳不死方入洞
過天地登真朝玉皇吾將撫爾背揮手遂翺

翔士贊曰王子喬及不死方事見二卷

醉後贈王歷陽歷陽和州也

書秃千兔毫詩裁兩牛腰筆縱起龍虎舞曲
拂雲霄雙歌二胡姬更奏遠清朝舉酒挑朔
雪從君不相饒齊賢曰王羲之贊云雖掃千兔之翰聚無一毫之筋

贈歷陽褚司馬時此公為稚子舞故作是詩也

北堂千萬壽侍奉有光輝先同稚子舞更著
老萊衣因為小兒啼醉倒月下歸人間無此
樂此樂世中稀齊賢曰毛詩註焉得諉草種於北堂以忘憂也烈士傳老萊子孝養二親着五色綵衣卧地為小兒啼

對雪醉後贈王歷陽

有身莫犯飛龍鱗有手莫辯猛虎鬚君看昔

日汝南市白頭仙人隱玉壺子猷聞風動窓
竹相邀共醉杯中綠歷陽何異山陰時白雪
飛花亂人目君家有酒我何愁客多樂酣秉
燭遊謝尚自能鸚鵡舞相如免脫鷓鴣裘清
晨鼓棹過江去千里相思明月樓齊賢曰隱
玉壺事見
前晉王子猷嘗寄居空宅中便令種竹曰
不可一日無此士贇曰明月樓在江陵郡

贈宣城宇文太守兼呈崔侍御

白若白鷺鮮清如清淚蟬受氣有本性不為

外物遷飲水箕山上食雪首陽巔迴車避朝
歌掩口去盜泉岩堯廣成子。個儻魯仲連卓

絕二公外丹心無間然齊賢曰尸子曰孔子
過於盜泉渴矣而不

飲惡其名也鄒
陽曰邑號朝歌昔攀六龍飛今作百鍊鉛懷

恩欲報主投佩向北燕彎弓綠弦開蒲月不

憚堅閑騎駿馬獵一射兩虎穿回旋若流光

轉背落雙鳶胡虜三嘆息兼知五兵權鎗鎗

突雲將却掩我之妍多逢勦絕兒生着祖生

鞭據鞍空矍鑠壯志竟誰宣

齊賢曰晉劉琨曰常恐祖生先

吾着鞭東漢馬援被甲上馬據鞍顧盼

以示可用光武笑曰矍鑠哉是翁也

復來歸憂恨坐相煎無風難破浪失計長江

邊危苦惜頽光金波忽三圓時遊敬亭上閑

聽松風眠或弄宛溪月虛舟信洄沿顏公二

十萬盡付酒家錢興發每取之聊向醉中仙

過此無一事靜談秋水篇

齊賢曰陶潛傳淵明義熙末徵為著

酒家稍就取酒太白與賀知章李適之崔宗

之等為酒八仙故杜甫有飲中八仙歌莊子有秋水篇

君從九卿來水

國有豐年魚鹽蒲市井布帛如雲煙下馬不

作威冰壺照清川霜眉邑中叟皆美太守賢

時時慰風俗往往出東田竹馬數小兒拜迎

白鹿前含笑問使君日晚可迴旋遂歸池上

酌掩抑清風絃

齊賢曰郭伋行部到西河有兒童數百各騎竹馬於道路

次迎曾標橫浮雲下撫謝眺肩樓高碧海出

樹古青蘿懸光祿紫霞杯伊昔忝相傳良圖

掃沙漠別夢繞旌旃富貴日成踈願言杳無

緣登龍有直道倚玉阻芳筵敢獻繞朝策思

同郭泰船何言一水淺似隔九重天齊賢曰謝眺字

玄暉據文選所載嘗為宣城守故宣城有謝眺樓其遊東田等詩皆宣城作應劭曰沙幕

匈奴之南界東漢書李膺以聲名自高士有被其容接者名為登龍門魏志魏明帝使后

弟毛曾與夏侯玄共坐時人謂兼葭倚玉樹左傳士會歸燒朝贈之以策東漢書郭泰字

林宗自洛陽歸諸儒送至河上林宗唯與李膺同舟而濟眾賓望之以為神仙崔生

何傲岸縱酒復談玄身為名公子英才若迤

邐鳴鳳托高梧凌風何翩翩安知慕群客彈

劍拂秋蓮齊賢曰崔生崔侍御也易屯如邐如士贇曰縱酒者放意而飲酒也

贈宣城趙太守悅

趙得寶符盛山河功業存三千堂上客出入

擁平原六國揚清風英聲何喧喧齊賢曰史

諸子告之曰吾藏寶符於常山上先得者賞諸子驅之常山上求無所得母卹還曰已得

符矣簡子曰奏之母卹賢以為太子簡子卒母可取也簡子知母卹賢以為太子簡子卒母

卹立是為襄子襄子姊為代王夫人襄子乃北登夏臺請代王使厨人操銅科擊殺之遂

興兵平代地至惠文王弟勝最賢喜賓客至
 數千人相惠文王及孝成王封於東武城號
 平原君六國齊大賢茂遠業虎竹光南藩錯
 楚燕趙韓魏也落千丈松虬龍盤古根枝下無俗草所植唯
 蘭蓀憶在南陽時始承國士恩公為柱下史
 脫繡歸田園伊昔簪白筆幽都逐遊魂持斧
 冠三軍霜清天北門差池宰兩邑鶚立重飛
 翻焚香入蘭臺起草多方言夔龍一顧重矯
 翼凌翔鶴赤縣揚雷聲彊項聞至尊驚飈頽

秀木跡屈道彌敦

齊賢曰簪白筆事見前

衣持斧逐捕盜賊督課郡國鄒衍曰中國縣

曰赤縣神州後世以指輦轂下縣董宣為洛

陽令湖陽公主蒼頭白日殺人宣叱奴下車

殺之主訴帝帝召宣令謝主宣不從強使頓

之宣兩手據地終不肯出牧歷二郡所居猛

俯光武因救強項令獸奔遷人同衛鶴謬上懿公軒自笑東郭履

側慙狐白温閑吟步竹石精義忘朝昏顛顛

成醜士風雲何足論獼猴騎士牛羸馬夾雙
 轅願借羲皇景為人照覆盆溟海不振蕩何

由縱鵬鯤所期玄津白個儻假騰騫齊賢曰猛獸虎

也宋均為九江守虎東渡江左傳衛懿公好鶴鶴有乘軒者東郭先生久待詔公車貧困行雪中履有上無下足盡踏地人皆笑之

○ 贈從弟宣州長史昭

淮南望江南千里碧山對我行倦過之半落

青天外宗英佐雄郡水陸相控帶長川豁中

流千里瀉吳會君心亦如此包納無小大齊賢

曰唐志淮南道古揚州之域英王搖筆起風霜贊曰漢書序贊河間為漢宗

推誠結仁愛訟庭垂桃李賓館羅軒蓋何意

蒼梧雲飄然忽相會才將聖不偶命與時俱

背獨立山海間空老聖明代知音不易得撫

劍增感慨當結九萬期中途莫先退

○ 於五松山贈南陵常贊府

為草當作蘭為木當作松蘭幽香風遠松寒

不改容松蘭相因依蕭艾徒丰茸雞與雞並

食鸞與鸞同枝揀珠去沙礫但有珠相隨齊賢

曰水經零陵郡都梁縣西小山上其
 中悉生蘭草綠葉紫莖澤蘭如薄
 苛微香荆湘嶺南人家多種之與
 蘭草大抵相類顏師古以蘭為澤
 蘭非也郭璞曰丰容也蒼頡篇
 藐草遠客投名賢真堪寫懷抱若
 惜方寸心待誰可傾倒虞卿棄趙
 相便與魏齊行海上五百人同日
 死田橫當時不好賢豈傳千古名
 願君同心人於我少留情寂寂還
 寂寂出門迷所適長鋏歸來平秋
 風思歸客齊賢曰
 睢事魏中大夫須賈使齊齊襄王
 聞睢辯口賜之金須賈怒以睢持
 魏陰事告齊故得魏

歸以告魏相齊使管擊折脇謂齒
 睢陽死即卷以蕢賓客飲者醉更
 溺睢從蕢中得出更姓名曰張祿
 隨王稽入秦上書昭王言太后
 穰侯昭王大懼嚴太后逐穰侯拜
 睢為相魏使須賈使秦睢坐賈堂
 下曰為載告魏魏急持魏齊頭來
 不然我且屠大梁魏齊恐走趙
 匿平原君家昭王聞為書遺平原
 君願與君為十日之飲平原君入
 秦昭王乃遣趙王書曰范君之仇
 魏齊在平原君家王使人疾持其
 頭來不然吾伐趙又不出趙王發
 卒圍平原君家急齊夜奔出見趙
 相虞卿乃解相印與齊亡走大梁
 故因信陵君以走楚信陵畏秦猶
 豫未決齊怒自劉趙王卒取其頭
 予秦虞卿困於梁不得意乃著書
 世傳之曰虞氏春秋漢滅項籍田
 橫懼與其徒屬五百人入海居島
 中高祖赦橫罪而召之橫與客二
 人

乘傳詣洛陽自到令客捧其頭從使者奏之高祖為流涕拜客為都尉橫既葬二客穿塚旁皆自到從之帝以橫之客皆賢者聞其餘五百人在海中使使召至聞橫死皆自殺馮驩見孟嘗君君置于舍彈其劍而歌曰長鈇歸來乎食無魚晉張翰因秋風起思歸

自梁園至敬亭山見會公談陵陽山

水兼期同遊因有此贈

我隨秋風來。瑤草恐衰歇。中途寡名山。安得弄雲月。渡江如昨日。黃葉向人飛。敬亭慙素尚。弭解也掉流清輝。齊賢曰：山海經：姑瑤之山，帝女死焉，名曰女尸，化為

瑤草其花黃，其實如兔絲，服者媚於人。唐志：宣州宣城縣有敬亭山。冰谷明日

秀陵巒抱江城粲粲吳與史。衣冠耀天京。水

國饒英竒。潛光卧幽草。會公真名僧。所在即

為寶。開堂振白拂。高論橫青雲。雪山掃粉壁。

墨客多新文。為余話幽棲。且述陵陽美。天開

白龍潭。月映清秋水。黃山望石柱。突兀誰開

張黃鶴。久不來。子安在蒼茫。東南焉可窮。山

鳥飛絕處稠。疊千萬峯相連入雲去。齊賢曰：九域志

陵陽山在宣州仙傳竇子明棄官學道釣得
白龍放之於此因名白龍潭後五年龍來迎
子明上居陵陽山至百餘年乃得仙子安仙
人也來就子明二十年一旦忽死葬山下常
有黃鵠栖其園上鳴云子安子安王贊曰任
彦升撰王儉文集序司徒袁粲有高世之度
脫落塵俗見公弱齡更望風聞此期振策歸
推服歎曰衣冠禮樂在是矣

來空閉關相思如明月可望不可攀何當移
白足早晚凌蒼山且寄一書札令予解愁顏

贈友人三首

蘭生不當戶別是閑庭草夙被霜露欺紅榮
已先老謬接瑤華枝結根君王池顧無馨香
美叨沐清風吹餘芳若可佩卒歲長相隨

其二

袖中趙七首買自徐夫人玉匣閉霜雪經燕
復歷秦其事竟不捷淪落歸沙塵持此願投
贈與君同急難荆卿一去後壯士多摧殘長
號易水上爲我揚波瀾鑿井當及泉張帆當
濟川廉夫唯重義駿馬不勞鞭人生貴相知

何必金與錢

其三

慢世薄功業非無曾中畫謔浪萬古賢以為
兒童劇立產如廣費匡君懷長策但苦山北
寒誰知道南宅歲酒上逐風霜鬢兩邊白
曰毛詩謔浪笑傲周瑜與孫策同年同居舒瑜推道南大宅與策蜀主思孔
明晉家望安石時人列五鼎談笑期一擲虎
伏被胡塵漁歌遊海濱弊裘耻妻嫂長劔託

交親天子秉家義群公難與鄰莫持西江水

空許東溟臣他日青雲去黃金報主人齊賢曰先

主三顧孔明於草廬之中謂關羽等曰孤之
有孔明猶魚之有水也謝安石盤桓東山王
導云安石不起將如蒼生何劉毅擣蒲一擲
百萬太公起海濱即三公蘇秦說秦王不聽
裘弊金盡而歸妻嫂笑之後富貴以百金徧
報諸常見德者莊子曰昨來中道轍中鮒魚
呼曰我東海之波臣君豈有斗升之水活我
哉周曰我且見楚王激西江之水而迎子鮒
魚忿然作色曰我無所處欲得斗升之水求
活君乃言此曾不知早索我於枯為有益

陳情贈友人

延陵有寶劍價重千黃金觀風歷上國暗許
故人深歸來推墳松萬古知其心懦夫感達
節壯士激青衿鮑生薦夷吾一舉置齊相斯
人無良朋豈有青雲望臨財不苟取推分固
辭讓後世稱其賢英風邈難尚論交但若此
有道孰云喪齊賢曰史記管鮑事見前卷多君騁逸藻掩
映當時人舒文振頽波秉德冠彝倫卜居乃
此地共井為此鄰清琴弄雲月美酒娛冬春

薄德中見捐忽之如遺塵英豪未豹變自古

多艱辛他人縱以踈君意宜獨親齊賢曰周制九夫為

井四井為邑則八家共一井柰何成離居相去復幾許飄

風吹雲霓蔽目不得語投珠冀相報按劍恐

相距所思採芳蘭欲贈隔荆渚沈憂心若醉

積恨淚如雨願假東壁輝餘光照貧女齊賢曰飄

風以興邪惡之衆雲霓惡氣喻佞人

贈從弟列

楚人不識鳳。重價求山雞。獻主昔云是。今來方覺迷。自居漆園地。久識咸陽西。風飄落日去。節變流鶯啼。桃李寒未開。幽關豈來蹊。逢君發花萼。若與青雲齊。及此桑華綠。春蠶起中閨。日出布穀鳴。田家擁鋤犁。顧余乏尺土。東作誰相攜。齊賢曰。楚人指雉為鳳。事見前縣。傳說。霖雨公輸造雲梯。羗戎事未息。君子悲塗泥。報國有長策。成功羞執珪。無由謁

明主。杖策還蓬萊。他年爾相訪。知我在樅溪。

贈問丘處士

賢人有素業。乃在沙塘陂。竹影掃秋月。荷花落古池。閑讀山海經。散帙卧遙帷。且耽田家樂。遂曠林中期。野酌勸芳酒。園蔬烹露葵。如能樹桃李。為我結茅茨。齊賢曰。說文。帙。書衣。林中期。如竹林七賢

之類。士贇曰。郭璞撰山海經二卷。又註山海經圖。贇二卷。

贈錢徵君少陽。一作送趙雲卿。

白玉一杯酒綠楊三月時春風餘幾日兩鬢
各成絲秉燭唯須飲投竿也未遲如逢渭水
獵猶可帝王師齊賢曰少陽年八十餘故方之太公

贈宣州靈源寺仲濬公

敬亭白雲氣秀色連蒼梧下映雙溪水如天
落鏡湖此中積龍象獨許濬公殊風韻逸江
左文章動海隅觀心同水月解領得明珠今
日逢支遁高談出有無齊賢曰宣州宣城縣南敬亭山歸藏啓筮

曰白雲氣自蒼梧鏡湖在越州剡度論曰龍
行水中力大象行陸中力大故以負荷大法
者以比之寶積經云勝現王如來入善澤長
者大城乞食大苾芻僧左右翼從修攝諸根
如大龍象支遁字道林其妙觀章云色之性
也不自有色色不自有雖色而空故曰色即
為空色復異空論成示王坦之坦之都無言
支曰嘿而識之乎王曰既無文珠誰能見賞

贈僧朝美

水客凌洪波長鯨湧溟海百川隨龍舟噓吸
竟安在中有不死者探得明月珠高價傾宇
宙餘輝照江湖苞卷金縷褐蕭然若空無誰

人識此寶竊笑有狂夫了心何言說各勉黃

金軀士贊曰按維摩詰經曰當知一切煩惱

珠不入煩惱大海則不能得一切智寶此篇主意全是隱括此經

贈僧行融

梁有湯惠休常從鮑照遊峨眉史懷一獨映

陳公出卓絕二道人結交鳳與麟行融亦俊

發吾知有英骨海若不隱珠驪龍吐明月大

海乘虛舟隨波任安流賦詩旃檀閣縱酒鸚

鵝洲待我適東越相攜上白樓齊賢曰沈約

惠休善屬文世祖命使還俗姓湯位至揚州

從事史懷一陳公未詳莊子海若海神名又曰千金之珠在驪龍頷下世說白樓亭在山陰

贈黃山胡公求白鸚并序

聞黃山胡公有雙白鸚蓋是家雞所伏

自小馴狎了無驚猜以其名呼之皆就

掌取食然此鳥耿介尤難畜之余平生

酷好竟莫能致而胡公輟贈於我唯求

一詩聞之欣然適會宿意因援筆三叫
文不加點以贈之

請以雙白璧賈君雙白鷗白鷗白如錦白雪
耻容顏照影玉潭裏刷毛琪樹間夜棲寒月
靜朝步落花閑我願得此鳥翫之坐碧山胡
公能輟贈籠寄野人還

登敬亭山南望懷古贈竇主簿

敬亭一迴首目盡天南端仙者五六人常聞

此遊盤谿流琴高水石聳麻姑壇白龍降陵
陽黃鶴呼子安羽化騎日月雲行翼鴛鸞下

視宇宙間四溟皆波瀾汰絕目下事從之復
何難百歲落半途前期浩漫漫強食不成味

清晨起長嘆願隨子明去鍊火燒金丹

齊賢曰列

仙傳琴高趙人以鼓琴為永康王舍人溪游

冀州三百餘年後入碭水中乘赤鯉魚來出

泊一月復入水去花姑山亦謂之麻姑山昔

麻姑修道於此上昇有仙壇陵陽竇子明及

子安事見十一卷註王贊曰晉書許邁少恬

靜採藥斷穀入臨安西子改名玄子遠遊莫

測所終好道者
皆謂之羽化矣

○經亂後將避地剡中留贈崔宣城

雙鵝飛洛陽五馬渡江徼何意上東門胡雛

更長嘯中原走豺虎烈火焚宗廟太白晝經

天頽陽掩餘照王城皆蕩覆世路成奔峭四

海望長安嘖眉寡西笑蒼生疑落葉白骨空

相乎連兵似雪山破敵誰能料齊賢曰晉五

年洛陽忠廣里地陷有蒼白二鵝飛出蒼者

中天此羽虫之孽白者金色國之行也蒼為

胡象其可盡言乎大安中童謡曰五馬遊渡

江一馬化為龍後中原大亂宗藩多絕唯琅

琊汝南西陽南頓彭城同至江東而元帝嗣

統石勒上黨武鄉羯人年十四隨邑人行服

洛陽倚甬上東門王衍見而異之謂左右曰

向者胡雛吾觀其聲視有奇志恐將為天下

患馳遣收之會勒已去安祿山入奏氣驕蹇

張九齡謂裴光庭曰亂幽州者此胡雛也狼

子野心有逆相請即事誅之以絕後患帝曰

卿無以王衍知石勒而害忠良卒不用天寶

十四載十一月祿山反陷洛陽明年陷長安

唐志開元十四年十月甲寅太白晝見至德

二載十一月巳酉太白晝見經天至于十

一月戊午不見歷秦周楚鄭宋燕之分我

垂北溟翼且學南山豹崔子賢主人歡娛每

相召胡床紫玉笛。却坐青雲叫楊花。蒲州城
 置酒同臨眺。忽思剡溪去。水石遠清妙。雪書
 天地明。風開湖山貌。悶為洛生詠。醉發吳越
 調。赤霞動金光。日足森海嶠。獨散萬古意。閑
 垂一溪釣。猿近天上啼。人移月邊棹。無以墨
 綬苦。來求丹砂要。華髮長折腰。將貽陶公誥。
齊賢曰。相伊善笛。王徽之相逢江英。請為一
 弄。伊已貴顯。聞徽之名。便據胡床。三弄而去。
 梁州記。咸寧中。盜拙張駿塚。得白玉笛。紫玉簫。

獻從叔當塗宰陽冰

金鏡霾六國。亡新亂天經。焉知高光起。自有

羽翼生。蕭曹安峴岬。耿賈摧欒槍。齊賢曰。六國秦楚韓

魏燕趙高祖滅秦。誅項光武夷王莽。勦群盜。爾雅。彗星為欒槍。士贇曰。金鏡。霾六國。指秦亡新。亂天經。指王莽。莽國號新。室蕭。曹蕭何曹參也。耿賈。耿弇賈復也。吾家有

季父傑。出聖代。英雄無三台。位不惜。四豪名。

激昂風雲氣。終協龍虎精。弱冠燕趙來。賢彥

多逢迎。齊賢曰。季父叔父也。晉天文志。在天為三台。在人為三公。戰國策。四豪齊。

孟嘗君田文魏信陵無忌趙平原君趙魯連
勝楚春申君黃歇禮記二十一日弱冠

善談笑季布折公卿遙知禮數絕常恐不合

并惕想結宵夢素心久已冥顧慙青雲器謬

奉玉樽傾山陽五百年綠水忽再榮高歌振

林木大笑喧雷霆落筆酒篆文崩雲使人驚

吐辭又炳煥五色羅華星秀句蒲江國高才

揆天庭齊賢曰漢書季布楚人為任俠有名

將議之樊噲曰臣願得十萬眾橫行匈奴中

諸將阿太后以噲為然布曰噲可斬也太后

罷朝遂不憚宰邑艱難時浮雲空古城居人

若薙草掃地無纖莖惠澤及飛走農夫盡歸

耕廣漢水萬里長流玉琴聲雅頌播吳越還

如太階平小子別金陵來時白下亭群鳳憐

客鳥差池相愛鳴各拔五色毛意重太山輕

贈微所費廣斗水澆長鯨齊賢曰晉天文志

躡以上下一口奉階彈劔歌苦寒嚴風起前

白下在上元縣北楹月銜天門曉霜落牛渚清長嘆即歸路臨

川空屏營

書懷贈南陵常贊府

歲星入漢年方朔見明主調笑當時人中天
謝雲雨一去麒麟閣遂將朝市乖故交不過
門秋草日上階當時何特達獨與我心諧齊賢

曰鹿陵縣在宣州西東方朔未死時謂同舍郎曰天下人無由知朔知朔者陸太伍公耳亡後武帝得此語召太伍公問之答以不知曰公何所能曰頗善星曆帝問帝星皆俱在否曰諸星俱在獨不見歲星十八年今復見耳帝仰天嘆曰東方朔生在朕旁十八年而

不知是歲星慘然不樂

置酒凌敲臺歡娛未曾歇歌動

白紵山舞迴天門月問我心中事為君前致

辭君看我才能何似魯仲尼大聖猶不遇小

儒安足悲齊賢曰凌敲臺隸唐宣州本朝隸

臺臣會於此有白紵之歌士贊曰向雲南五

月中頻喪渡瀘師毒草殺漢馬張兵奪雲旗

至今西二河流血擁僵屍將無七擒略魯女

惜園葵齊賢曰孔明出師表五月渡瀘深入

戰七縱七擒而亮猶遺獲獲止不去曰公天
威也南人不復反矣古歌辭曰採葵莫傷根
結交莫羞貧公儀休與魯相食茹而美拔其
園葵而棄士贇曰按此詩魯女惜園葵是用
事非泛引事也列女傳曰漆室女者魯漆室
色之女也過時未適人當穆公時君老太子
幼女倚柱而哨其鄰人婦從之遊謂曰何哨
之悲也子欲嫁耶漆室女曰嗟乎吾豈為不
嫁而悲哉吾憂魯君老太子幼鄰婦笑曰此
乃魯大夫之憂婦人何與焉漆室女曰不然
昔晉客舍吾家繫馬園中馬逸馱走踐吾葵
使我終歲不食葵雍人女奔隨人亡其家倩
吾兄行追之逢霖水出溺流而死今吾終身
無兄吾聞河潤九里漸如三百步猶且不勞
今魯君老悖太子少愚好偽日起夫魯國有
者君臣父子皆被其辱禮及衆庶婦人獨

安所避乎吾甚憂之子乃曰婦人無與者何
哉鄰婦謝曰子之所慮非妾所及三年魯果
亂齊楚攻之魯連有冠冠勇子戰鬪婦人轉輸
不得休息君子曰遠矣漆室女之思也詩云
知我者謂我心憂不知我者謂我何求此之謂也
咸陽天下樞累歲
人不足雖有數斗玉不如一盤粟賴得契宰

衡持釣慰風俗自顧無所用辭家方來歸霜
驚壯士髮淚滿逐臣衣以此不安席蹉跎因
世違終當滅衛謗不受魯人譏

贈汪倫

李白乘舟將欲行。忽聞岸上踏歌聲。桃花潭

水深千尺。不及汪倫送我情。齊賢曰白遊涇縣桃花潭村人

汪倫常醞美酒以待白倫之裔孫至今寶其詩

分類補註李太白詩卷之十二

分類補註李太白詩卷之十三

寄二十五首

安陸白兆山桃花嶽寄劉侍御綰一作

春歸桃花嶽 貽許侍御

雲卧三十年。好閑復愛仙。蓬壺雖冥絕。鸞鶴心悠然。歸來桃花嶽。得憩雲窓眠。對嶺人共語。飲潭猿相連。時昇翠微上。邈若羅浮巔。兩岑抱東壑。一嶂橫西天。樹雜日易隱。崖傾月

難圓芳草換野色。飛蘿搖春煙入遠。搆石室。

選幽開山田獨此林下意。杳無區中緣。永辭

霜臺客千載方來旋。齊賢曰：桃花岳在安陸。爾雅：山未及上曰翠微。

疏曰：未及頂上在傍坡陀處名。翠微一云上氣青票色曰翠微。

淮南卧病書懷寄蜀中趙徵君蕤

吳會一浮雲飄如遠行客。功業莫從就歲光。

屢奔迫良圖。俄棄捐衰疾。乃綿劇古琴。藏虛

匣。長劔挂空壁。楚冠懷鍾儀。越吟比莊舄。國

門遙天外。鄉路遠山隔。朝憶相如臺。夜夢子

雲宅。旅情初結緝。秋氣方寂歷。風入松下清。

露出草間白。故人不可見。幽夢誰與適。寄書

西飛鴻。贈爾慰離析。齊賢曰：左傳：晉侯見鍾儀。問之曰：南冠而縶者。

誰也。對曰：鄭人所獻楚囚也。使稅之。陳軫傳：越人莊寫仕楚。執珪有頃而病。王使人聽之。猶尚越聲。相如琴臺在城都浣溪海安寺。

寄弄月溪吳山人

嘗聞龐德公。家住洞湖水。終身棲鹿門。不入

襄陽市夫君弄明月滅景清淮裏高蹤邈難
追可與古人比清揚杳莫覩白雲空望美待

號辭人間携手訪松子

齊賢曰後漢逸民傳龐公南郡襄陽人居

現山之南未嘗入城府劉表數延請不能屈後携妻子登鹿門山因採藥不反襄陽記鹿門山舊名蘇嶺山建武中習郁立神祠於山刻二石鹿夾神道口俗呼鹿門廟因以名山

秋山寄衛尉張鉉及王徵君

會稽

何以折相贈白花青桂枝月華若夜雪見此
令人思雖然刻溪興不異山陰時明發懷二

子空吟招隱詩

齊賢曰郭璞曰桂白花常生山峯冬夏常青

望終南山寄紫閣隱者

長安

出門見南山引領意無限秀色難為名蒼翠
日在眼有時白雲起天際自舒卷心中與之
然託興每不淺何當造幽人滅跡棲絕巘

山峯

夕霽杜陵登樓寄韋繇

浮陽滅霽景萬物生秋容登樓送遠目伏檻
觀群峯原野曠超緬關河紛雜重清暉映竹

日翠色明雲歲蹈海寄遐想還山迷舊蹤徒

然迫晚暮未果諧心胷結桂空佇立折麻恨

莫從思君達永夜長樂聞踈鍾齊賢曰漢五年治長樂宮

秋夜宿龍門香山寺奉寄王方城十

七丈奉國營上人從弟幼成令問洛陽

朝發汝海東暮棲龍門中水寒夕波急木落

秋山空望極九霄迴賞幽萬壑通目皓沙上

月心清松下風玉斗橫網戶銀河耿花宮興

在趣方逸歡餘情未終鳳駕憶王子虎溪懷

遠公桂枝坐銷歇棣華不復同流恨寄伊水

盈盈焉可窮齊賢曰水經汝水出河南梁縣河南縣有龍門山

春日獨坐寄鄭明府

鷺麥青青遊子悲河堤溺柳鬱金枝長條一

拂春風去盡日飄揚無定時我在河南別離

久那堪坐此對窓牖情人道來竟不來何人

共醉新豐酒齊賢曰鬱金似薑黃言柳枝似鬱金之黃耳新豐事見前

寄淮南友

紅顏悲舊國青歲歇芳洲不待金門詔空持
寶劍遊海雲迷驛道江月隱鄉樓復作淮南
客因逢桂樹留

齊賢曰青歲猶言青春也

沙丘城下寄杜甫

我來竟何事高卧沙丘城城邊有古樹日夕
連秋聲魯酒不可醉齊歌空復情思君若汶
水浩蕩寄南征

齊賢曰趙沙丘宮在鉅鹿此沙丘在魯汶水在魯汝陽縣

聞丹丘子於城北營石門幽居中有
高鳳遺跡僕離群遠懷亦有棲遁之
志因叙舊以寄之

春華滄江月秋色碧海雲離居盈寒暑對此
長思君思君楚水南望君淮山北夢魂雖飛
來會面不可得疇昔在嵩陽同衾卧羲皇綠
蘿笑簪紱丹壑羨巖廊晚途各分析乘輿任
所適僕在鴈門關君為峨眉客心懸萬里外

影滯兩鄉隔長劔復歸來相逢洛陽陌陌上
 何喧喧都令心意煩迷津覺路失託勢隨風
 翻以茲謝朝列長嘯歸故園齊賢曰鴈門關峨眉山並見前
 故園恣閑逸求古散縹帙久欲入名山婚娶
 殊未畢人生信多故世事豈惟一念此憂如
 焚悵然若有失聞君卧石門宿昔契彌敦方
 從桂樹隱不羨桃花源高風起遐曠幽人跡
 復存松風清瑤瑟溪月湛芳樽安居偶佳賞

丹心期此論

齊賢曰高士傳尚長字子平隱不仕為子嫁娶畢教家事斷之勿伏相閑毛詩憂心如焚幽人高鳳也

淮陰書懷寄王宗城

再至淮南作王宗城

沙墩至梁苑二十五長亭大舶夾雙櫓中流
 鵝鸛鳴雲天掃空碧川岳涵餘清飛鳥從西
 來適與往興弁眷言王喬鳥婉孌故人情齊賢

曰沙苑縣在同州南梁苑事見前呂居仁語錄太白詩如沙墩至梁苑二十五長亭之類皆氣蓋一世熟味之自不偏淺矣
 復此親懿會而增交道榮

沿洄且不定飄忽悵徂征暝投淮陰宿欣得
漂母迎斗酒熟黃雞一餐感素誠予為楚壯
士不是魯諸生有德必報之千金耻為輕緬
書羈孤意遠寄棹歌聲齊賢曰韓信為楚王
召所從食漂母賜千
金召辱已少年以為
中尉曰此壯士也

聞王昌齡左遷龍標遙有此寄

楊花落盡子規啼聞道龍標過五溪我寄愁
心與明月隨風直到夜郎西齊賢曰唐叙州
本沅州有龍標

縣武陵有五溪曰雄溪浦溪酉溪沅
溪辰溪皆槃瓠子孫夜郎縣隸溱州

寄王屋山人孟大融

我昔東海上勞山餐紫霞親見安期公食棗
大如瓜中年謁漢主不愜還歸家朱顏謝春
輝白髮見生涯所期就金液飛步風雲車願
隨夫子天壇上閑與仙人掃落花齊賢曰金
液丹法見

前天壇在王屋山張
仙人之居在其南

憶舊遊寄譙郡元參軍金陵

憶昔洛陽董糟丘為余天津橋南造酒樓黃
金白璧買歌笑一醉累月輕王侯海內賢豪
青雲客就中與君心莫迎迴山轉海不作難
傾情倒意無所惜我向淮南攀桂枝君留洛
北愁夢思不忍別還相隨迢迢訪仙城
三十六曲水迴縈一溪初入千花明萬壑度
盡松風聲齊賢曰古詩云一笑銀鞍金絡倒
平地漢東太守來相迎紫陽之真人邀我吹

玉笙餐霞樓上動仙樂嘈然宛似鸞鳳鳴袖
長管催欲輕舉漢中太守醉起舞手持錦袍
覆我身我醉橫眠枕其股當筵意氣凌九霄
星離雨散不終朝分飛楚關山水遙余既還

山尋故巢君亦歸家渡渭橋齊賢曰唐隋州

傳曰紫陽真人周義山字季通沙陰人漢丞
相勃七世孫常以旦日出面東嗽口服氣隋
州紫陽先生有食霞樓太白夕夜於食霞樓
送煙子元演隱仙城山序曰入神農之故鄉
得胡公之精術胡公身揭日月心飛蓬萊起
食霞之孤樓鍊吸景之精氣延我數子高談

混元金書玉訣盡在此矣白乃語及形勝紫
陽因大誇仙城元侯聞之乘輿將往樂書有
玉磬玉鼓玉簫玉笛當亦有玉笙也荆
州記其北有四關魯陽伊闕之屬也 君家

嚴君勇貌虎作尹并州遏戎虜五月相呼度

太行摧輪不道羊腸苦行來北凉歲月深感

君貴義輕黃金瓊杯綺食青玉案使我醉飽

無歸心時時出向城西曲晉祠流水如碧玉

浮舟弄水簫鼓鳴微波龍鱗莎草綠齊賢曰

太原郡開元十一年升太原府太行山在懷
州河內縣呂氏春秋曰太行羊腸其山盤紆

如羊腸楚漢春秋淮陰侯曰臣去項歸漢
漢王賜臣玉案之食晉祠即臺駘祠也 興

來携妓恣經過其若楊花似雪何紅粧欲醉

宜斜日百尺清潭寫翠娥翠娥嬋娟初月輝

美人更唱舞羅衣清風吹歌入空去歌曲自

繞行雲飛此時行樂難再遇西遊因獻長楊

賦北闕青雲不可期東山白首還歸去齊賢

子薛談學謳於秦青辭歸餞於效衢撫節悲
歌聲振林木響遏行雲楊雄從上至長楊射

熊館還上長楊賦以諷王贊曰漢高帝紀蕭
何治未央宮立東闕北闕師古曰未央殿雖

未央殿雖

南嚮而上書奏事謁見之徒皆謁北闕公渭
車司馬亦在北焉是則以北闕為正門

橋南頭一遇君鄭臺之北又離群問余別恨

知多少落花春暮爭紛紛言亦不可盡情亦

不可極呼兒長跪緘此辭寄君千里遥相憶

齊賢曰高陵縣在京兆府東北七十里有渭
橋鎮鄭唐亳州譙郡鄭縣也又漢南陽郡鄭
縣蕭何所封

月夜江行寄崔貞外宗之

飄飄江風起蕭颯海樹秋登艫美清夜挂席

移輕舟月隨碧山轉水合青天流杳如星河

上但覺雲林幽歸路方浩浩徂川去悠悠徒

悲蕙草歇復聽菱歌愁岸曲迷後浦沙明瞰

前洲懷君不可見望遠增離憂齊賢曰江賦
舳艫相屬註

舳舟尾
艫船頭

宿白鷺洲寄楊江寧

朝別朱雀門暮棲白鷺洲波光揺海月星影

入城樓望美金陵宰如思瓊樹憂徒令竟入

夢翻覺夜成秋綠水解人意為余西北流因

聲玉琴裏蕩漾寄君愁齊賢曰朱雀門建康南門又有朱雀橋賞

心亭舊名二水亭其前曰白鷺亭在水西門城上史正志碑云秦淮源句容漂水兩山間

自方山合流置建康貫城中而西以達于江秦淮於府之左分為二支一支入城一支繞

城外共夾一洲曰白鷺即太白所謂二水中分白鷺洲者也續齊諧記王彥伯善琴至吳

郵亭維舟中渚秉燭理琴見一女坐於東床取琴調之乃楚光明曲遲明女取錦綉贈別

彥伯以玉琴答之而去

新林浦阻風寄友人

一云金陵阻風雪書懷寄楊江

寧齊賢曰謝元暉有云宣城出新林浦向板橋浦鄠善長水經三山入湘

浦又北經新林浦水上南北結浮橋渡水故曰板橋浦

潮水定可信天風難與期清晨西北轉薄暮

東南吹以此難挂席佳期益相思齊賢曰浙江潮候時

刻皆不海月破圓影菰蔣生綠池昨日北湖

差見前梅開花已滿枝今朝東門柳夾道垂青絲王

曰說文雕菰一名蔣或作菰爾雅翼菰首者

菰蔣三年以上心中生孔如藕至秋如小兒臂可蒸食其有黑點者名烏鬱即今艾也歲物忽如此我來定幾

時紛紛江上雪草草客中悲明發新林浦空

吟謝朓詩

齊賢曰謝玄暉之宣城出新林浦詩云天際識歸舟雲中辨江樹

寄韋南陵冰余江上乘興訪之遇尋

顏尚書笑有此贈

南船正東風北船來自緩江上相逢借問君

語笑未了風吹斷聞君携妓訪情人應為尚

書不顧身堂上三千珠履客甕中百斛金陵

春恨我阻此樂淹留楚江濱月色醉遠客山

花開欲然春風狂殺人一日劇三年乘興嫌

太遲焚却子猷船夢見五柳枝已堪挂馬鞭

何日到彭澤長歌陶令前

齊賢曰尚書顏尚書金陵春酒也

題情深樹寄象公

腸斷枝上猿淚添山下標白虎見我去亦為

我飛翻

齊賢曰猿斷腸事見前卷

北山獨酌寄韋六

巢父將許由未聞買山隱道存跡自高何憚

去人近齊賢曰一世說支遁就深公買仰紛吾山深公曰未聞巢父買山而鷲

下茲嶺地閑喧亦泯門橫群岫開水繫衆泉

引屏高而在雲竇深莫能準川光晝昏疑林

氣夕淒緊於焉摘朱果兼得養玄牝坐月觀

寶書拂霜弄瑤軫傾壺事幽酌顧影還獨盡

念君風塵游傲爾今自哂王贊曰朱果者火棗之異名也老子

道德經曰谷神不死是謂玄牝玄牝之門是謂天地根註曰不死之神在於玄牝玄天也於人為鼻牝地也於人為口口鼻之門乃通天地之元氣所從往來

寄當塗趙少府炎

晚登高樓望木落雙江清寒山饒積翠秀色

連州城目送楚雲盡心悲胡鴈聲相思不可

見迴首故人情

寄東魯二稚子在金陵作

吳地桑葉綠吳蠶已三眠我家寄東魯誰種

龜陰田春事已不及江行復茫然南風吹歸

心飛墮酒樓前齊賢曰荀卿賦篇曰三俯三起事乃大已夫是謂之蠶理

註俯為卧而不食乃三眠也左傳齊人來歸鄆謹龜陰田春事謂蠶農也廣記曰太白於任城縣造酒樓其居在酒樓前樓東一株桃枝葉拂青煙此

樹我所種別來向三年桃今與樓齊我行尚

未旋嬌女字平陽折花倚桃邊折花不見我

淚下如流泉小兒名伯禽與姊亦齊肩雙行

桃樹下撫背復誰憐念此失次第肝腸日憂

煎裂素寫遠意因之汶陽川齊賢曰白於任城造酒樓日與

同志荒宴其上少有醒者時邑人以白重名室其里而加敬

獨酌清溪江石上寄權昭夷 秋浦

我携一樽酒獨上江祖石自從天地開更長

幾千尺舉杯向天笑天迴日西照永賴坐此

石長垂嚴陵釣寄謝山中人可與爾同調齊賢

曰池州治秋浦

禪房懷友人岑倫 時南游羅浮兼泛桂海自春徂秋不

返僕旅江外書情寄之

嬋娟羅浮月搖艷桂水雲美人竟獨往而我

安能群一朝語笑隔萬里懽情分沈吟綵霞

沒夢寐群芳歇歸鴻渡三湘遊子在百粵邊

塵染衣劔白日彫華髮齊賢曰漢地理志臣

七八千里百粵春風變楚關秋聲落吳山草

木結悲緒風沙淒苦顏竭來已永久頽思如

循環飄飄限江裔想像空留滯離憂每醉心

別淚徒盈袂坐愁青天末出望黃雲蔽齊賢曰淮

南子曰黃泉之目極何悠悠梅花嶺頭空長

此交疑有
差謬

滅征鳥水闊無還舟寶劔終難託金囊非易

求歸來儻有問桂樹山之幽齊賢曰楚辭云

桂樹叢生兮山

分類補註李太白詩卷之十三

末韻來賞
賦五言水閣無

此詩在
李太白集

分類補註李太白詩卷之十四

寄二十五首

廬山謠寄盧侍御虛舟

我本楚狂人鳳歌笑孔丘手持綠玉杖朝別

黃鶴樓五嶽尋仙不辭遠一生好入名山遊

齊賢曰論語楚狂接輿歌而過孔子曰鳳兮

鳳兮何德之衰漢制年七十者授以玉杖杖

端以鳩為飾士贇曰論語正義曰接輿楚人
也廬山秀出南斗傍屏風九疊雲錦張影落

明湖青黛光。金闕前開二峯長。銀河倒挂三

石梁。香爐瀑布遙相望。迴崖沓嶂凌蒼蒼。翠

影紅霞映朝日。鳥飛不到吳天長。齊賢曰江

匡裕隱此而名高一千三百六十大周回二百五十里其山九疊川亦九派述異記吳猛

將弟子登廬山過石梁見一老坐桂樹下以

玉杯承甘露與猛廬山記南北有瀑布無慮

十餘處香爐峯與雙劍峯在瀑布之傍水源

在山頂或曰西為康王谷水簾東為開元禪

院之登高壯觀天地間。大江茫茫去不還。黃

雲萬里動風色。白波九道流雪山。好為廬山

謠興因廬山發。閑窺石鏡清我心。謝公行處

蒼苔沒。齊賢曰潯陽記石鏡山東有一圓石

入彭蠡湖口詩曰攀崖照石鏡牽葉入松門早服還丹無世情。琴

心三疊道初成。遙見仙人綵雲裏。手把芙蓉

朝玉京。先期汗漫九垓上。願接盧敖遊太清。

齊賢曰黃庭內景經三疊琴心化胎仙淮南

子若士謂廬敖曰吾與汗漫期于九垓之外

又太清之治也和順以寂寞下尋陽城汎彭蠡寄黃判官

浪動灌嬰井尋陽江上風開帆入天鏡直向
彭湖東落景轉踈雨晴雲散遠空名山發佳
興清賞亦何窮石鏡挂遙月香爐滅彩虹相
思俱對此舉目與君同齊賢曰寰宇記漢高
六年灌嬰開井年深
湮塞孫權經此自標此地命工鑿之正得此
井有石銘曰淮陰侯開不滿三百年當為應
運者所開權以為已瑞江有風浪此水輒自
漂動士人呼為浪井今在城內彭湖即彭蠡
書情寄從弟邠州長史昭
自笑客行久我行定幾時綠楊已可折攀取

最長枝翩翩弄春色延佇寄相思誰言貴此
物意願重瓊麩昨夢見惠連朝吟謝公詩東
風引碧草不覺生華池臨翫忽云夕杜鵑夜
鳴悲懷君芳歲歇庭樹落紅滋齊賢曰古詩
庭中有奇樹
綠葉發華滋攀條折其榮將以遺
所思謝靈運夢惠連事見前卷

寄王漢陽

南湖秋月白王宰夜相邀錦帳郎官醉羅衣
舞女嬌笛聲喧沔鄂歌曲上雲霄別後空愁

我相思一水遙

齊賢曰漢儀郎官給錦帳綉被隋大業中改沔口為沔州

春日歸山寄孟浩然

朱紱遺塵境青山謁梵筵金繩開覺路寶筏

度迷川嶺樹攢飛拱岳花覆谷泉塔形標海

月樓勢出江煙香氣三天下鐘聲萬壑連荷

秋珠已蒲松密蓋初圓鳥聚疑聞法龍參若

護禪愧非流水韻叨入伯牙絃

齊賢曰法華經云黃金為

繩以界入道列子曰伯牙鼓琴志在流水鍾子期曰善哉洋洋兮若江河士贇曰方言禕

謂之筏編竹木浮河以運物南土名禕北土名筏博經六祖得衣鉢五祖送六祖上船云只合吾度汝六祖答云迷時師度悟了自度道經三天者清微天禹餘天太赤天也

流夜郎永華寺寄潯陽群官

朝別凌煙樓暝投永華寺賢豪蒲行舟賓散

予獨醉願結九江流添成萬行淚寫意寄廬

嶽何當來此地天命有所懸安得苦愁思

齊賢

曰太宗正觀十七年二月圖功臣于凌煙閣唐江州潯陽郡本九江郡

流夜郎至西塞驛寄裴隱

揚帆借天風水驛苦不緩平明及西塞已先

投沙伴迴巒引羣峯橫蹙楚山斷齊賢曰西塞山在鄂

州砮披水切衝萬壑會震杳百川蒲龍怪潛溟

波候時救災旱我行望雷雨安得沾枯散鳥

去天路長人愁春光短空將澤畔吟寄爾江

南管齊賢曰砮水激岩之聲

自漢陽病酒歸寄王明府

去歲左遷夜郎道琉璃硯水長枯槁今歲勅

放巫山陽蛟龍筆翰生輝光聖主還聽子虛

賦相如却與論文章願掃鸚鵡洲與君醉百

場嘯起白雲飛七澤歌吟淥水動三湘莫惜

連船沽美酒千金一擲買春芳齊賢曰師古曰降秩為左

遷巫山縣在夔東鸚鵡洲七澤淥水曲三湘並見前

望漢陽柳色寄王宰

漢陽江上柳望客引東枝樹樹花如雪紛紛

亂若絲春風傳我意草木別前知寄謝弦歌

宰西來定未遲

士贊曰師古曰紛紛雜亂也

江夏寄漢陽輔錄事

誰道此水廣狹如一匹練江夏黃鶴樓青山

漢陽縣大語猶可聞故人難可見君草陳琳

檄我書魯連箭報國有壯心龍顏不迴眷

齊賢曰唐郢州江夏郡治江夏縣黃鶴樓在郡城之東南與漢陽縣大別山相望止隔一水陳琳為袁紹檄豫州又為曹操檄魯連書箭見二卷註西飛精衛鳥東海

何由填鼓角徒悲鳴樓船習征戰抽劔步霜

月夜行空庭徧長呼結浮雲埋沒顧榮扇他

日觀軍容投壺接高宴

齊賢曰精衛填海事見前晉廣陵相陳敏

文以顧榮為丹陽內史榮潛謀攻敏敏不復

濟榮以羽扇麾之其衆潰散唐有觀軍容使

東漢書祭遵為將軍對酒設樂必雅歌投壺

早春寄王漢陽

聞道春還未相識走傍寒梅訪消息昨夜東

風入武陽陌頭楊柳黃金色碧水浩浩雲茫茫

美人不來空斷腸預拂青山一片石與君

連日醉壺觴

江上寄巴東故人

漢水波浪遠巫山雲雨飛東風吹客夢西落
此中時覺後思白帝佳人與我違瞿塘饒賈
客音信莫令稀

齊賢曰白帝城在舊夔州瞿塘關山上下瞰灩澦堆

江上寄元六林宗

霜落江始寒楓葉綠未脫客行悲清秋永路
苦不達滄波眇川汜

音似白日隱天末停棹依

林巒驚猿相叫聒夜分河漢轉起視溟漲闊
涼風何蕭蕭流水鳴活活浦沙淨如洗海月
明可掇蘭交空懷思瓊樹詎解渴勗哉滄洲
心歲晚庶不奪幽賞頗自得興遠與誰豁

寄從弟宣州長史昭

爾佐宣州郡守官清且閑常誇雲月好邀我
敬亭山五落洞庭葉三江遊未還相思不可
見歎息損朱顏

齊賢曰唐百官志上州刺史一人從三品別駕一人從四

品下長史二人從五品別長史
州佐也敬亭山及三江並見前

涇溪都郡寄鄭少府諤宣城

我遊東亭不見君沙上行將白鷺群白鷺行
時散飛去又如雪點青山雲欲往涇溪不辭
遠龍門蹙波虎轉眼杜鵑花開春已闌歸向
陵陽釣魚晚齊賢曰東亭在宣州郡國圖云涇縣在宣州西一百五里閩州
鶴林寺杜鵑花高丈餘貞元中有僧自天台移種之九域志宣州有陵陽山乃仙人陵陽竇子明釣得白龍放之之地

宣州九日聞崔四侍御與宇文太守
遊敬亭余時登響山不同此賞醉後

寄崔侍御二首

九日茱萸熟插髮傷早白登高望山海蒲目

悲古昔遠訪投沙人因為逃名客故交竟誰

在獨有崔亭伯齊賢曰風土記云俗於九月九日折茱萸房以插頭言辟

邪惡續齊諧記桓景隨費長房行數年長房忽謂曰九月九日汝家當有大災可速去令

家人作絳囊盛茱萸繫臂登高以飲菊花酒此禍可消景如其言舉家登高夕還見牛羊

雞犬皆暴死崔駟字亭伯涿郡安平人為黃憲主簿憲不能容出為長岑長駟自以遠去不得意遂不重陽不相知載酒任所適手持之官而歸

一枝菊調笑二千石日暮岸幘歸傳呼隘阡

陌彤檐雙白鹿賓從何輝赫夫子在其間遂

成雲霄隔齊賢曰漢太守秩二千石良辰與美景兩地方

虛擲晚從南峯歸蘿月下水壁却登郡樓望

松色寒轉碧咫尺不可親棄我如遺鳥齊賢曰謝

靈運曰良辰美景賞心樂事四者難并

其二

九卿天上落五馬道傍來列戟朱門曉褰帷

碧帳開登高望遠海召客得英才紫綬歡情

洽黃花逸興催山從圖上見溪即鏡中迴遙

羨重陽作應過戲馬臺齊賢曰賈璩為冀州刺史之部升車曰刺

史當遠視廣覺何反垂帷裳以自掩命御者

塞之劉裕在彭城九月九日出項羽戲馬臺至今相承以為故事士贊曰隋書志三品以上門皆列戟

寄崔侍御

宛溪霜夜聽猿愁。去國長如不繫舟。獨憐一

鴈飛南海。却羨雙溪解北流。齊賢曰：宣州南陵縣有宛陵監。

即宛溪高人屢解陳蕃榻。過客難登謝眺舟。此

處別離同落葉。朝朝分散敬亭秋。齊賢曰：陳蕃為豫章

守不接賓客。唯徐孺來。特設一榻去則懸之。

涇溪南藍山下有落星潭。可以卜築

余泊舟石上寄何判官昌浩

翠岑聳天壁。突兀如鯨額。奔蹙橫澄潭。勢吞

落星石。沙帶秋月明。水搖寒山碧。佳境宜緩

棹。清輝能留客。恨君阻歡遊。使我自驚惕。所

期俱卜築。結茅鍊金液。齊賢曰：藍岑隸涇縣去宣州西一百里。

早過漆林渡寄萬巨

西經大藍山。南來漆林渡。水色倒空青。林煙

橫積素。漏流昔吞翕。沓浪競奔注。潭落天上

星。龍開水中霧。嶢巖注公柵。突兀陳焦墓。嶺

峭紛上千川。明屢迴顧。因思萬夫子。解渴同

瓊樹何日覩清光相歡詠佳句

齊賢曰大藍山即前藍岑

也李陵詩思得瓊樹枝以解長飢渴士贇曰毛詩箋曰回首曰顧

遊敬亭寄崔侍御

一本作登古城望府中寄崔侍御

我家敬亭下輒繼謝公作相去數百年風期

宛如昨登高素秋月下望青山郭俯視鴛鴦

群飲啄自鳴躍

齊賢曰謝玄暉敬亭山寺云

淪既已記靈異俱然樓上千蔽白日下屬帶迴溪

夫子雖蹭蹬瑤臺

雪中鶴獨立窺浮雲其心在寥廓時來顧我

笑一飯葵與藿世路如秋風相逢盡蕭索腰

間玉具劔意許無遺諾壯士不可輕相期在

雲閣

齊賢曰蹭蹬失勢之貌寥深也廓空也本草鳥葵美食即苜蓿也

三山望金陵寄殷淑

三山懷謝眺水澹望長安蕪沒河陽縣秋江

正此看盧龍霜氣冷鷓鴣月光寒耿耿憶瓊

樹天涯寄一顏

齊賢曰丹陽記江寧北十二里濱江有三山相接即名三

山謝玄暉晚登三山還望京邑唐平州北平郡治盧龍縣鷓鴣觀在雲陽甘泉官外

自金陵沂流過白壁山翫月達天門
寄句容王主簿

滄江沂流歸白壁見秋月秋月照白壁皓如
山陰雪幽人停宵征賈客忘早發進帆天門
山迴首牛渚沒川長信風來日出宿霧歇故
人在咫尺新賞成胡越寄君青蘭花惠好庶
不絕齊賢曰郡國志天門亦曰峨眉山東西隔江相對如門

寄上吳王三首

淮王愛八公携手綠雲中小子忝枝葉亦攀
丹桂叢謬以詞賦重而將牧馬同何日背淮
水東之觀士風齊賢曰淮南八公及梁牧馬事並見前太白興聖皇帝九世孫與唐同出故云忝枝葉

其二

坐嘯廬江靜閑聞進玉觴去時無一物東壁
挂胡床齊賢曰廬州廬江郡魏裴替為兗州時嘗作一胡床及其去世留以若挂

其三

英明廬江守聲譽廣平籍洒掃黃金臺招邀
 青雲客客曾與天通出入清禁中襄王憐宋
 玉願入蘭臺招齊賢曰謝朓詩廣平聽方籍
註鄭玄為中郎會廣平太守
缺宣帝謂玄曰賢叔垂稱於平
陽故後相屈黃金臺事見前

分類補註李太白詩卷之十四



程

Shi